

Tuman tibbiyot birlashmasi tomonidan aholiga ko'rsatilayotgan xususan tez tibbiy yordam, kafolatlangan bepul tibbiy yordamning ko'rsatilish holati bo'yicha amalga oshirilgan ishlar to'g'risida

MA'LUMOT

Tuman aholisiga tibbiy xizmat 278 o'rinli (245 tasi budjet, 33 tasi pullik) 1 ta markaziy shifoxona, bir ish kunida 1514 bemor qabul qilish quvvatiga ega bo'lgan 17 ta birlamchi tibbiy-sanitariya yordami muassasalari ya'ni 1 ta tuman Ko'p tarmoqli markaziy poliklinika, 5 ta oilaviy poliklinika, 11 ta oilaviy shifokorlik punktlari, 16 ta MTP tomonidan amalga oshiriladi.

Markaziy shifoxona tarkibidagi tez tibbiy yordam bo'limi joriy yilning 2022 yil dekabr oyidan bo'yon yagona boshqaruv tizimiga Respublika tez tibbiy yordam markazi Samarqand viloyati filialiga birlashtirildi.

Tumanda jami 11 ta tez tibbiy yordam brigadalari mavjud bo'lib, shundan 1 ta markaziy stansiya va 8 ta shahobcha 155 350 nafar aholiga xizmat ko'rsatmoqda. Mavjud 11 ta brigadadan 2 tasi fel'dsherlik brigadalari bo'lib, paramedik sertifikatiga ega fel'dsherlar tomonidan xizmat ko'rsatilmoqda. Dori darmon ta'minoti RTTYoMSVF tomonidan amalga oshiriladi. O'zbekiston Respublikasi hukumatining tegishli normativ hujjatlari va vertikal boshqaruv tizimi joriy etilishi bilan (Respublika tez tibbiy yordam markazi va uning viloyat filiallari tuman sub filiallari) yagona boshqaruv tizimiga o'tildi.

Paxtachi tumani tez tibbiy yordam bo'limidagi barcha ya'ni 11 ta avtomashinasiga JPS o'rnatilgan va har bir brigada planshet bilan ta'minlandi.

Tuman tez tibbiy yordam bo'limiga tushayotgan barcha chaqiruvlar viloyat yagona Call markaz orqali elektron shaklda tuman dispetcherlik xonasida tashkil etilgan elektron tarmoqqa tushmoqda.

2023 yil 6 oy davomida Respublika tez tibbiy yordam markazi Samarqand viloyati filialida tashkil etilgan janubiy Koreya Respublikasi KOFIH fondi, Samarqand davlat tibbiyot universiteti va Respublika tez tibbiy yordam Samarqand viloyati filiali hamkorligida Koreya standarti asosida zamonaviy tez tibbiy yordam o'quv kursida 11 nafar shifokorlarimiz o'z malakasini oshirib kelishdi.

Tez yordam bo'limida 11 ta avtomashinaning 2 tasi zamonaviy Nissan va Volksfagien avtomashinalari bo'lib, 9 tasi Damas avtomashinalar hisoblanadi. Ularni kelgusida yangi reanimobil zamonaviy avtomashinalariga almashtirish rejalari ko'rilmogda

2023 yilning o'tgan 6 oyi davomida tuman aholisi tomonidan tez tibbiy yordam bo'limiga 21227 ta murojaatlar kelib tushgan bo'lib, shundan 1430 tasi ambulator yordam, 19797 tasi umumiy chaqiriqlar, 226 tasi natijasiz chaqiruvlarni tashkil etadi. Natijasiz chaqiriqlar ko'rsatkichi 1,1 % ni tashkil etadi. 19797 ta umumiy chaqiriqlardan 19571 tasi (98,8%) bajarilgan chaqiriqlar hisoblanadi. Chaqiriqlarga tez tibbiy yordam xizmati ko'rsatilishi jarayonida 2076 nafar bemorlar markaziy

shifoxonaga yotqizilgan, 30 ta o'lim qayd etilgan bo'lib, sodir etilgan o'limlar TTYo yetib borguncha va TTYo chaqirguncha bo'lgan. Tibbiy tez yordam xizmatida qayt etilgan o'lim ko'rsatkichi 0.1 % ni tashkil etadi. Qayta chaqiruvlar 15 ta bo'lib, bu ko'rsatkich 0,07 % ni tashkil etadi. Chaqiriqlarga kechikishlar qayd etilmagan.

Bajarilgan chaqiriqlar uchun 119 550 sumlik dori darmon sarflangan. Jumladan 1 ta chaqiriqga sarflangan summa 6108 sumni tashkil etadi.

Bundan tashqari tez tibbiy yordam bo'limi Nissan reanimobil avtomashinamizda zamonaviy apparatlar bilan ta'minlangan bo'lib, EKG, defibrillyator, IVL va mexanik aspiratordan iborat.

2023 yil yanvar oyida tuman ma'muriyati tomonidan 2 ta yangi, har biri 8 mln so'mlik EKG apparati bilan ta'minlandi.

Respublika tez tibbiy yordam markazi Samarqand viloyati filiali viloyat kardiologiya dispanseri bilan hamkorligida yangi zamonaviy 1 ta EKG apparati bilan ta'minlangan bo'lib, viloyat kardiologiya dispanseriga onlayn rejimda ulangan.

Hozirgi kunga qadar ushbu EKG apparat orqali 58 ta bemor EKG tasmasiga tushirildi va shundan 22 nafarida OKS tashxisi qo'yilib, viloyat kardiologiya dispanseriga koronografiya va stentlash amaliyoti uchun olib borildi.

Dori-darmon ta'minoti o'tgan yilga nisbatan yanada yaxshilandi. 2022 yil tez tibbiy yordam bo'limida 35 xil dori darmon bo'lgan bo'lsa, joriy yil dori darmon turlari 46 xilga yetkazildi. Har bir chaqiruvga o'rtacha 6108,53 so'mdan to'g'ri kelmoqda. Bo'ndan tashqari 15 turdagi zamonaviy tibbiy asbob uskunalar va bog'lov materiallari bilan ta'minlandi.

Bugungi kunda T.Kenjaev OP va OP qoshidagi tez tibbiy yordam shaxobchasi binosi OPEN budjetning 1.200 000 000 so'mlik mablag'lari hisobidan kapital ta'mirlanmoqda.

Kafolatlangan bepul tibbiy yordam ko'rsatish bo'yicha amalga oshirilgan ishlar.

Kafolatlangan paket doirasida tuman tibbiyot birlashmasida quyidagi tibbiy xizmatlar amalga oshiriladi jumladan,

-diagnostik tekshiruvlar, laborator tekshiruvlar, muolaja va protseduralar, shifoxona sharoitida bemorlarni yotqizib davolash (insultni davolash, o'tkir infarkt miokardini davolash, jarrohlik amaliyotlari, tug'ruq jarayonida tibbiy yordam, gemodializ muolajasi), kasallik tufayli mehnatga layoqatlik holatini vaqtincha yo'qotgan shaxslarga vaqtincha mehnatga layoqatsizlik varaqasi yoki ma'lumotnomalarni berish, tug'ilish va o'lim holatini rasmiylashtirish, kontraseptiv vositalari, immunizatsiya, tibbiy ko'riklar, sil kasalligi bo'yicha xavf guruhiga mansub aholini yiliga 1 marta flyuorografik tekshiruvdan o'tkazish, universal-progressiv patronaj, profilaktik ko'riklar va skrining tekshiruvlarini o'z ichiga oladi.

Tuman markaziy shifoxonasida yotib davolangan 8552 nafar bemorga kafolatlangan paket doirasida bepul tibbiy xizmatlar ko'rsatilgan.

Joriy yilning o'tgan davri mobaynida 7122 nafar aholi diagnostik tekshiruvlardan, 74973 ta laboratoriya taxlillari o'kazilgan.

Kasallik tufayli mehnatga layoqatlik holatini vaqtincha yo'qotgan 2105 nafar shaxslarga vaqtincha mehnatga layoqatsizlik varaqasi berilgan.

Ushbu davrda 1866 ta tug'ilish, 470 ta o'lim holatlari qayd etilib, guvohnomalari rasmiylashtirilib bazaga kirildi.

27 nafar tug'ish yoshdagi ayollar ixtiyoriy jarrohlik kontrasepsiyasi bilan qamraldi.

Sil kasalligi bo'yicha xavf guruhiga mansub 9840 nafar aholi flyuorografik tekshiruvdan o'tkazildi. 26241 nafar aholi profilaktik ko'riklardan va 41450 nafari skrining tekshiruvlaridan o'tkazildi.

Joriy yilning o'tgan 6 oyi mobaynida markaziy shifoxonada jami 9343 nafar bemorlar statsionar sharoitida davolanib, o'tgan yilning mos davriga nisbatan 1123 nafarga oshgan.

Shuningdek, jami 1059 ta operatsiyalar amalga oshirilib, shulardan 86 tasi yuqori texnologik operatsiyalar hisoblanadi.

376 ta bemorda MSKT tekshiruvlari amalga oshirildi.

659 nafar bemorga jami 94699,0 so'mlik imtiyozli retseptlar asosida dori-darmonlar berildi.



Birlashma boshlig'i:

U.O'.Suvanov